

Praktis 4 Sajak *Kuingin Berterima Kasih*

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Kuingin Berterima Kasih

Sesekali kuingin berterima kasih
kepadamu hujan bagi tetamu
jiwa pun menjadi dingin
api amarah pun terpadam.

Sesekali kuingin menyemai budi
kepadamu tanah yang hidup
kerana perutmu setia menghamilkan
rezeki buat petani.

Sesekali kuingin berbisik kepadamu
ikan-ikan yang riang
liar di belantara samudera
kerana sudi *membebaskan derita*
nelayan tua di pondoknya.

Sesekali kuingin kalungkan kagum
kepadamu pejuang negara
kerana tanganmu pernah berdarah
darah kesetiaan seorang warga
kepada watan tercintanya.

Sesekali kuingin pula menjadi bunga
menebarkan keharuman
di taman-taman keresahan hidup
menyerahkan keinsafan
kepada keangkuhan perang.

Alangkah indahnya dunia
andai semua merenung
kekosongan hidup ini.

IHSAN NOORZALI

Dipetik daripada antologi *Kuingin Berterima Kasih*,
Tingkatan 1, Kementerian Pendidikan Malaysia

- 1 Berdasarkan sajak, rangkai kata *membebaskan derita* membawa maksud
- A menyembuhkan luka.
 - B mengurangkan sakit.
 - C menghapuskan denda.
 - D menghilangkan sengsara.

Mentafsir (Araas R)

- 2 Para pejuang negara setia berjuang demi negara yang tercinta.

Berdasarkan pernyataan di atas, apakah peribahasa yang sesuai?

- A Berani kerana benar, takut kerana salah
- B Biar putih tulang, jangan putih mata
- C Hutang emas dapat dibayar, hutang budi dibawa mati
- D Kalau kail panjang sejengkal, lautan yang dalam diduga jangan

Mentafsir (Araas R)

- 3 Apakah nada sajak ini?

- A Sinis
- B Protes
- C Romantis
- D Melankolik

Memahami; Menganalisis (Araas S)

- 4 Mengapakah penyajak ingin berbudi kepada tanah?

- A Tanah menjadi tempat penyajak tinggal.
- B Tanah mempunyai nilai yang sangat tinggi bagi penyajak.
- C Tanah telah banyak memberikan rezeki kepada para petani.
- D Tanah membolehkan para petani hidup senang.

Memahami; Menganalisis (Araas S)

- 5 Antara berikut yang manakah **tidak benar** tentang sajak?

- A Penyajak ingin berterima kasih kepada tetamu yang datang ke rumahnya.
- B Hujan dapat menenangkan jiwa penyajak yang sedang marah.
- C Kuntuman bunga menyebarkan haruman di hati manusia yang resah.
- D Dunia ini sungguh indah sekiranya semua manusia merenung setiap ruang kehidupan.

Menganalisis; Menyusun (Araas T)